

Յաղդան

Մակերես՝ 11.483կմ²

Բնակչություն՝ 97

Տնային տնտեսությունների թիվը՝ 72

Գյուղը (անունը նշանակում է յուղով հարուստ, նախկինում ունեցել է Եղիտանք հայկական անվանում) հիմնադրվել է 1821թ.: Այստեղ հույներ եկել են Օսմանական կայսրության Մաշալա գյուղից: Այն հայտնի է որպես հունական գյուղ: Այսօր հույների թիվը զգալի պակասել է 1991թ. սկսած արտագաղթի պատճառով դեպի պատմական հայրենիք՝ Զունաստան: Զեռավորությունը Ստեփանավան քաղաքից 12կմ, մարզկենտրոնից 48կմ: Գյուղը գտնվում է ծովի մակերևույթից 1350մ բարձրության վրա: Շրջապատված է բարձր սարերով, որոնց լանջերին կան մի քանի փոքրիկ բնական աղբյուրներ: Գյուղին ջուր մատակարարում է Ստեփանավանի ջրմուղ կոյուղին: Գյուղի կլիման ձմռանը ցրտաշունչ է, ամռանը՝ զով: Կլիման հիմնականում նորմալ է եղել, չհաշված վերջին տարիների փոփոխությունները, որոնցից տուժում են գյուղատնտեսությամբ զբաղվող գյուղացիները:

Գյուղում և շրջակայքում պահպանվել են եկեղեցի (XVIIդ.), մատուռներ, գերեզմանոց՝ խաչքարերով (XIII-XVIIդ.), գյուղատեղիներ, կամուրջ (XIIIդ.):

Գյուղը մասամբ օգտվում է ոռոգման ջրից:

Տնտեսությունը ցորենի, կարտոֆիլի արտադրություն, անասնապահություն:

Գյուղն ունի հիմնական դպրոց: Վերակառուցված է, բարվոք վիճակում, ուր սովորում է 40

աշակերտ: Ունի գործող մանկապարտեզ:

Համայնքն ունի մշակույթի տուն, որը բոլորովին չի օգտագործվում: Դրա փոխարեն վերանորոգվել է միջոցառումների համար օգտագործվում է կից շինությունը: Գործող գրադարանն ունի 12492 անուն գիրք: Կա նաև բուժկետ:

Համայնքի հիմնախնդիրների մեջ կանոնավորվում են միջհամայնքային ճանապարհի հիմնանորոգում (Ստեփանավան-Ալավերդի հանրապետական նշանակության ճանապարհի Ագարակ-Ալավերդի հատվածը), ներհամայնքային ճանապարհների վերանորոգում, համայնքին որոկյալ սերմերի մատակարարում, գյուղ. մթերքների վերամշակման արտադրամասի գործարկում, սպորտային և մշակութային կենտրոնի կառուցում: